

不然不如卿語此之五人最有返復知命無常非愁憂所逮是故自定無有愁感世間俗人不識無常懊惱啼哭不能自勝譬如人得熱病不自覺知恍惚妄語良師與藥熱即除愈不復妄語俗人愚癡愁憂啼哭不能自解能知無常不復愁憂如熱病愈此之五人皆得道證梵志聞之佛語即自剋責我為愚或不識道義今聞佛語如盲得目真中見明

佛說五無反復經一卷

佛說佛大僧大經

宋居士沮渠京聲譯

佛在王舍國國有富者其名曰厲金銀衆寶田地舍宅牛馬奴婢不可稱數厲年西耄絕無繼嗣其國常法人無子者死後財物皆沒入官厲禱日月諸天鬼神并九子毋山樹諸神皆從請子不能致之厲自念曰人有緩急

輒往自歸山樹之神靡所不至財寶銷索產業不修疾病相仍災禍首尾奴婢死亡六畜不尊俱為妖孽鬼神導師迷惑儻使亂君內居云當有福而禍重至由盲吞毒謂之良藥廣有瘳損毒著喪身吾今殺生祠祀鬼神當入地獄而望天祚豈不惑哉世有佛道高操

之聖有得仙者名曰應真人真人清淨如瑠璃珠精進存想乃覩之耳奉斯道者惟守靜莫無欲無求以斯為樂現世得安終生天上厲自念曰置吾常供養奉佛三尊奉佛一載婦遇生男厲曰奉佛獲願字曰佛大佛諸弟子謚比丘僧試復事之事未滿歲復生賢男

竟七

十

字曰僧大厲訓二子示以聖道僧火稟性仁愛人物孝心難攀誦佛法戒親近沙門清淨知足親覩其志愛之有特親被疾著牀即呼長子涕泣誠之夫生有死萬物無常持戒者安犯戒者危其持佛戒終始無患僧大尚小仁孝清白厲以累介辭句適竟淹忽歿故弟

失所天孤無歸告數啓其兄欲作沙門其國之法見欲求婦便伴詐云欲作沙門親懼其然早為娉妻佛大以弟等彼偽類即為尋索國最賢家女字快見光華煒煒端正少雙長短肥瘦適得其中真潔慈孝猶星中月國女賢婦靡不歡悅婦歸昇堂兄會賓客九族欣然無不和樂兄於衆賓調其弟曰當今之日可作沙門乎僧大答曰大兄放吾使作沙門實我宿願悟兄者天審欲作之戲之曰可從余志願弟心歡喜為兄作禮即日入山見一沙門年少端正獨處樹下前趣又手誓首為禮却住問曰賢者何緣行作沙門其人已得

應真之道豫知去來無數劫事謂僧大曰佛經說言人好姪洸如火燒身如持炬火逆風而行其酸稍却不置炬者火燒其手猶鳥嚙肉鷹鷂追爭鳥不置肉災及軀命姪洸如斯無不危殆吾以是故作沙門耳蜜塗利刀小兒貪甜以舌舐之有截舌之患姪洸之人苟

竟七

上

快愚心不惟其後有燒身之害譬如餓狗路得枯骨齧嚼齧齧傷口缺齒適自傷毀何益於已姪洸如此百千億劫無絲髮之福而有三塗之罪吾念是故作沙門耳譬如樹木華果茂盛行人貪之杖石擲打須臾之間華損果落枝葉殘傷樹以華果自招凋喪蛾貪大色投入于燈體見燒煮將何剋獲為姪惑者不別善惡遠賢親愚日就流真亡國滅身死入地獄惡著罪成悔將何逮佛見之諦開示聖道吾望佛恩得覩經戒心守清白獨而無患願視流俗乃知誤耳吾以是故作沙門也僧大聞之頓首足下長跪而白佛真上聖諸

天之尊經以滅癡入我心中願去世濁履清淨道奉沙門戒以為榮福師即喻之沙門重戒侍師數月即啓師云意欲入山間寂定禪息求道應真余乃滅患師曰獨居山中大難處也處山澤者當學星宿明知候時常當儲待水火赴蜜所以然者盜賊之求水火赴蜜

夜半向晨問當解之給賊所欲違其意者賊輒殺人僧大曰諾敬奉慈教具學所命却乃入山其兄念曰弟作沙門終不畜妻妻使見者端正無雙兄心悅之起從使見持琴自隨作婆彈之歌姪泐之曲煌煌鬱金生于野田過時不採恐見棄捐曼尔豐熾華色惟新與

我同歡固斯厚親年一西風執復尔珍使見即覺兄欲為亂便以歌曲答佛大曰巍巍我師天人之尊門徒清潔謚白沙門歎真為聖姪為畜倫我受嚴戒不事二君終不姪生寧就寸分佛大作情悲之曲委靡之辭宿心加尔故因良媒問名詣師占相良時慘惕慘惕懼尔不來既覩光顏我心怡怡今不合歡豈徒費哉斯誓為定淑女何疑使見惶怖歌答之曰佛設禮儀尊卑有叙叔妻即子壻伯即父我親奉戒日有隆舉真與聖齊姪正蟲鼠噫乎伯子焉為斯語兄心迷惑貪好使見其意又甚不可轉移使見又歌夫人處世當遠

竟七

十一

二事不孝姪亂行違佛戒天及賢者笈其自異佛大歌曰尔之容色輝輝灼然普天美女豈有尔顏我心相悅故踰大山使見自念斯子欲我悖狂之亂沮致大難請說身中惡露不淨尔乃却耳使見重曰仁貪我軀軀有何好頭有九骨合為髑髏中但有腦面有七孔皆出洩漣以皮裹骨貪頭頸者皮肉相裹身有毛髮瓜齒皮肌五腦骨肉腹中有心脾腎腸脂肪髓屎尿膿血寒熱足與脛連脛與腔連腔與尻連尻與腰連腰與脊連脊與脅連脅與頸連頸與髑髏連臂與肘連肘與肩連我如畫瓶中盈屎屎身中不淨可惡如此何可貪乎凡人所喜有說其惡心即賤之佛大自念女念其壻何肯聽我我殺弟者尔乃隨耳佛大瞋恚即行募求數為賊者見輕薄人在于酒家前與語曰寧知我家所畜六藉奴子逃作沙門今在山中賊曰識之佛大即出金銀與之令殺奴子疾取其頭及身上衣所

持法杖足下履屣皆以相還吾復重賜卿等
金銀賊大喜曰從吾取足即去入山到其弟
所呼曰沙門汝疾出來其弟出曰諸君何求
吾有水火趁蜜可食夜時已半賊曰不求水
火趁蜜不問卿時也欲得汝頭持去之耳其
弟聞之即大惶怖涕泣而曰吾非長者諸侯

卷七

十三

子也捨俗爲道與世無爭學道日淺未獲溝
港頻來不還應真六通殺吾何益賊曰來爲
汝首故空復云云求哀何益其弟自念此賊
獨聞我富家謂我持寶來在此也語其賊曰
欲得寶者吾兄在家字曰佛大吾與書令惠
卿寶在所欲得從卿志願賊曰子兄令我來
殺子其弟即曰吾今死矣由斯婦也師前誠
我人與姪居如持炬火逆風而行捨之不早
火將燒手如蜜塗刀如鷹追鳥狗得枯骨樹
之華果色爲身害深如師誠涕泣從賊乞一
歲活令吾得道吾常在此相殺不晚賊曰今
欲得子頭去何云一歲山居道人多得道者

恐子輕舉行神足去勿復多云倅取頭去其
弟重曰願莫即殺先斷我一脛置吾前也其
賊因前先斷一脛置於其前弟遭此痛不可
言天來下至道人所曰慎莫恐怖牢持汝心
汝前世時入畜生中所屠割稱賣汝肉非
一卅矣地獄餓鬼汝皆更之苦痛以來非適

今也僧大語天一哀語我師令知吾因師示
吾道死生何在在天即爲行語其師曰卿賢弟
子人欲殺之涕泣求哀欲得見師師飛行到
弟子所爲說經曰天地須彌尚有滅壞海有
消竭七日有壞天下有風其名惟藍惟藍一
起山山相搏斯風有滅況汝小軀何等比數
但當念佛佛常言無常盛必有衰合會有離
榮位難保身亦如之僧大便得溝港道復斷
一脛重念師誠復得頻來道賊斷左手復念
師誠得不還道賊斷右手復念師誠得應真
道便不畏三惡道也生死自在無所復畏僧
大曰取樹皮來即爲剝樹皮與之僧大取枝

以爲筆自刺身血書樹皮曰大兄起君隨時安善二親在時以吾累兄不承之違廢親教以女色故骨肉相殘違親慈教爲不孝也殘殺人命爲不仁也殺一畜生其罪不小況殺應真吾不中止兄自招之今天有形可得相殺善遊寂寞徒復相害長別努力願崇真

竟七

十四

道伸頸長二尺語其賊曰子斷吾頭猶泥頭也勿有恐意吾恐汝等墮地獄中賊前斷頭取身上衣杖屨及鉢持至兄所衣杖屨鉢皆持與兄兄以金銀重謝其賊兄取弟頭爲作假形以頭著上以衣衣之杖鉢及屨皆著其傍謂使見曰汝聲來歸可問訊之使見大喜走至其所見閉目坐以爲思道妻不敢呼具作美食須念道覺當飯之日中不覺妻因前白日今已中恐過時也怪其不應牽衣起之頭便墮地身皆分散各在一面妻即大怖躡踊呼曰子竟坐吾見殘賊乎哀憤呼天情裂肝心崩血出口淹忽而死戒行清白難汗如

空樹心聖範難動如地貞淨行高難按如天其未終時諸天咨嗟豫安所生迎其真靈處忉利天忍須臾之姪獲天上難盡之榮兄入神室視婦胡爲兄見弟頭身分散狼藉其婦吐血死在一面兄見弟妻死死如此呼曰咄咄吾爲逆天所作酷裂乃致於此也兄即至賊所問其意吾弟臨歿將有遺言乎賊曰有書以書見之書辭懇惻讀書訖竟五內噎塞涕泣交橫吾違尊親臨亡慈教骨肉相殘又殺應真感隔而死入地獄王及臣民聞其事變揮涕泣哽噎歎迷清德殞葬其弟四輩立塔天龍鬼神側塞空中散華燒香無不傷心其妻使見國人塋之舉哀動國諸天下讚精進得道五戒不虧貞生天上違佛法教不孝殘聖死入地獄燒煮苦毒其歲難數佛便告諸弟子自斯之後重相勸勵尚於無欲佛說經竟弟子歡喜作禮而去

十五

